



KENYATAAN MEDIA

YAB MENTERI BESAR PAHANG

Bagi melaksanakan Perintah Kawalan Pergerakan (PKP) seperti yang diputuskan Kerajaan Persekutuan, Pihak Berkuasa Negeri (PBN) bersama Jawatankuasa Kerja Keselamatan Negeri (JKKN) yang bermesyuarat pada 22 Januari 2021 memutuskan supaya:

1. Semua penduduk TIDAK DIBENARKAN keluar dari kediaman masing-masing kecuali:

- a. Dua (2) orang sahaja wakil isi rumah untuk dapatkan bekalan makanan, ubat, penokok diet dan keperluan asas dalam dalam daerah yang sama.
- b. Maksimum tiga (3) orang sahaja termasuk pesakit untuk dapatkan perkhidmatan jagaan kesihatan atau perubatan dalam dalam daerah yang sama.
- c. Pelajar dan calon yang menduduki peperiksaan utama Sijil Pelajaran Malaysia (SPM) tahun 2020 & 2021, Sijil Vokasional Malaysia (SVM), Sijil Kemahiran Malaysia (SKM), Sijil Tinggi Pelajaran Malaysia (STPM), Sijil Tinggi Agama Malaysia (STAM), Diploma Vokasional Malaysia (DVM), Pentaksiran Kemasukan Sekolah Khusus untuk Tingkatan 1 & 4 tahun serta peperiksaan antarabangsa yang setara.
- d. Pergerakan kenderaan persendirian jabatan Kerajaan atau syarikat swasta bagi tujuan pergi dan balik dari tempat kerja atau menjalankan URUSAN RASMI KERAJAAN adalah bergantung kepada kapasiti tempat duduk kenderaan tersebut.
- e. Rentas daerah dan negeri TIDAK DIBENARKAN kecuali untuk hal kecemasan seperti kematian dengan kebenaran PDRM.
- f. Penghantaran bantuan bencana kemanusiaan dari luar negeri Pahang perlu mendapatkan kelulusan dari sistem ebanjir.gov.my dan kebenaran rentas negeri dari pihak PDRM. *Drop point* penghantaran barangan di Bentong, Rompin & Kuantan. Pengagihan akan dilaksanakan oleh PKOB Negeri/Daerah.

- g. Pergerakan rentas daerah bagi NGO & sukarelawan negeri Pahang bagi kerja-kerja gotong-royong pasca banjir DIBENARKAN untuk daerah yang memerlukan sahaja. Jumlah sukarelawan yang dibenarkan seramai 10 hingga 15 orang sahaja bagi satu NGO/agensi. Permohonan perlu dibuat melalui ebanjir.gov.my dan kebenaran rentas daerah dari PDRM.
- h. Aktiviti memancing rekreasi TIDAK DIBENARKAN mengikut SOP yang dikeluarkan oleh Jabatan Perikanan Malaysia.

2. Aktiviti Dalam Kawasan PKP:

- a. Semua aktiviti yang TIDAK TERSENARAI dalam SENARAI KEPERLUAN / PERKHIDMATAN PERLU adalah tidak dibenarkan.
- b. Restoren, kedai/gerai makan, kenderaan bersaji (*food truck*), penjaja tepi jalan, penjaja beredar, medan selera/pusat penjaja, gerai makan tepi jalan/kiosk, kedai runcit dan kedai serbaneka DIBENARKAN beroperasi antara 6.00 pagi hingga 10.00 malam.
- c. Aktiviti penjualan dan pembekalan makanan hanya dibenarkan secara BAWA PULANG SAHAJA, pandu lalu atau penghantaran bermula 6.00 pagi hingga 10.00 malam. Bagi penghantar persendirian perlu mendapatkan permit daripada PBT.
- d. Kedai runcit & kedai serbaneka DIBENARKAN beroperasi bermula 6.00 pagi hingga 10.00 malam.
- e. Stesen minyak beroperasi dari jam 6.00 pagi hingga 10.00 malam kecuali stesen di lebuh raya dibenarkan beroperasi 24 jam.
- f. Pasar harian dan pasar tani beroperasi dari jam 6.00 pagi hingga 2.00 petang.
- g. Pasar borong beroperasi dari jam 12.01 pagi hingga 4.00 petang.
- h. Pasar malam beroperasi dari 4.00 petang hingga 10.00 malam dengan kawalan SOP yang ketat.
- i. Kanak-kanak di bawah umur 12 tahun TIDAK DIBENARKAN memasuki kompleks pasar raya, pasar tani, pasar malam, pasar borong, pasar harian dan tempat-tempat tumpuan yang sesak.

3. Kebeneran Operasi dan Pergerakan Bagi Perkhidmatan Perlu:

- a. Semua sektor dalam Senarai Perkhidmatan Perlu yang berdaftar dengan Kementerian/Agensi berkaitan dibenarkan beroperasi semasa tempoh PKP.
- b. Pergerakan pekerja adalah tertakluk kepada pendaftaran/surat kelulusan beroperasi dan pas pekerja/surat pengesahan majikan.

- c. Pergerakan rasmi urusan Kerajaan perlu dilampirkan bersama dengan dokumen pengesahan majikan.
- d. Kapasiti kehadiran pekerja bagi Perkhidmatan Perlu terhad kepada pekerja yang perlu hadir secara fizikal ke tempat kerja bagi tujuan pelaksanaan tugas.

4. Kelonggaran Aktiviti Riadah:

- a. Aktiviti jogging DIBENARKAN tidak melebihi 2 orang di KAWASAN KEJIRANAN MASING-MASING SAHAJA.
- b. Perlu ada penjarakan fizikal yang ketara antara individu yang lain semasa berjogging.
- c. Aktiviti berbasikal secara berkumpulan TIDAK DIBENARKAN. Aktiviti perlu dijalankan secara BERSEORANGAN SAHAJA.
- d. Waktu dibenarkan melakukan aktiviti riadah dari jam 6.00 pagi hingga 10.00 malam sahaja tertakluk kepada arahan Pihak Berkuasa.

5. Pusat Jagaan Harian, Pusat Asuhan Kanak-Kanak, Taska, Tadika & Tabika:

- a. Pusat asuhan kanak-kanak, taska, tabika dan tadika dibenarkan beroperasi dengan kebenaran oleh Kementerian/Agensi berkaitan.
- b. Pusat tuisyen, kelas pengajian agama di luar rumah ibadat DIBENARKAN berdasarkan keluasan saiz ruang dan had maksimum seramai 20 orang pada satu-satu masa.
- c. Ibumapa/penjaga yang menghantar anak-anak ke pusat jagaan kanak-kanak dibenarkan menggunakan kenderaan dengan jumlah penumpang kanak-kanak mengikut kapasiti kenderaan.
- d. Pusat jagaan harian bagi Orang Kurang Upaya (OKU), Warga Emas, Wanita dan Pusat Jagaan Pelbagai dibenarkan beroperasi semasa PKP.

6. Aktiviti Keagamaan:

- a. Aktiviti keagamaan di masjid & surau adalah berdasarkan SOP yang dikeluarkan oleh Jabatan Agama Islam Pahang (JAIP).
- b. Aktiviti di Rumah Ibadat Bukan Islam DIBENARKAN dengan had kehadiran ahli jawatankuasa dibenarkan seramai 5 orang sahaja dalam satu-satu masa.
- c. Upacara akad nikah bagi orang Islam DIBENARKAN dengan kehadiran maksimum 8 orang sahaja. Upacara akad hanya dibenarkan untuk dilaksanakan di Pejabat Agama Daerah sahaja.

- d. Upacara perkahwinan bukan Islam DIBENARKAN dengan kehadiran had maksimum 8 orang sahaja di Jabatan Pendaftaran Negara / Rumah Ibadat / Persatuan Agama Bukan Islam.

7. Senarai Perkhidmatan Perlu:

- a. Hanya 30% kehadiran dari kumpulan pengurusan manakala jumlah pekerja ditentukan oleh majikan dengan memastikan amalan penjarakan fizikal dan protokol kesihatan awam dapat dilaksanakan di tempat kerja.

b. Perkilangan:

- Aeroangkasa (komponen dan *maintenance, repair & overhaul* (MRO));
- Automotif (kenderaan dan komponen);
- Makanan, minuman dan rantaianya;
- Pembungkusan dan percetakan;
- Produk barangan rumah, barang penjagaan diri (FMCG - sabun, pembersih diri dan lain-lain) dan bahan pencuci termasuk rantaianya;
- Penjagaan kesihatan dan perubatan termasuk penokok diet;
- Peralatan perlindungan peribadi (PPE) dan peralatan keselamatan kebakaran;
- Komponen untuk alat perubatan;
- Elektrikal dan elektronik;
- Minyak dan gas (*oil and gas*);
- Petrokimia dan produk petrokimia;
- Produk kimia;
- Mesin dan peralatan;
- Seramik (seramik sebagai acuan bagi pembuatan sarung tangan);
- Besi dan keluli;
- Tekstil yang melibatkan pengeluaran PPE sahaja;
- Sektor perabot; dan
- Pengeluaran, penyulingan, penyimpanan, pembekalan dan pengagihan bahan api dan pelincir.

c. Pembinaan:

- Kerja-kerja penyelenggaraan dan pembaikan kritikal;
- Kerja-kerja pembinaan infrastruktur awam yang utama; dan

- Kerja-kerja pembinaan bangunan yang menyediakan penginapan pekerja yang lengkap di tapak bina atau pekerja yang ditempatkan di Kuarters Pekerja Berpusat (CLQ).

d. Perkhidmatan:

- Automotif (pembaikan dan penyelenggaraan);
- Perkhidmatan Kewangan dan rantaianya:
 - Institusi Kewangan (Perbankan, Insurans, Takaful dan entiti-entiti lain yang dilesen, diilulus atau didaftar oleh Bank Negara Malaysia); dan
 - Entiti-entiti pasaran modal yang dilesen, didaftar atau dikawalselia oleh Suruhanjaya Sekuriti Malaysia.
- Perkhidmatan perbandaran dan kerajaan tempatan:
 - Pajak gadai/kredit komuniti (syarikat peminjam wang berlesen);
 - Pengurusan sisa pepejal/ pembedungan;
 - Pembersihan awam; dan
 - Pembersihan premis dan sanitasi.
- Komunikasi termasuk telekomunikasi dan internet, pos dan kurier serta penyiaran;
- E-Dagang dan rantaianya termasuk perkhidmatan *e-marketplace*, pembayaran digital dan pusat internet e-dagang setempat;
- Hotel dan penginapan;
- Sektor pertanian, perikanan dan penternakan termasuk perkhidmatan veterinar:
 - Pengurusan ladang/ sarang burung walit/ kuda/ loji pemprosesan haiwan/ rumah sembelihan/ ternakan/ kilang makanan haiwan ternakan/ pembekal seperti vaksin/ pengurusan ternakan/ kedai haiwan kesayangan (operasi pemindahan ternakan adalah pada waktu malam);
 - Kawalan penyakit dan dikawalselia pengeluaran ternakan hidup, input ternakan dan produk berkaitan industri ternakan (termasuk eksport dan import); dan
 - Pengurusan kesihatan, diagnosa penyakit dan rawatan haiwan.
- Utiliti (air dan tenaga);
- Perkhidmatan profesional (termasuk akauntan/ peguam/ auditor/ jurutera/ arkitek), saintifik (termasuk R&D) dan teknikal (termasuk penyenggaraan);
- Perkhidmatan kawalan keselamatan (*security services*);
- Keselamatan dan pertahanan;
- Perkhidmatan kehakiman dan perundangan;

- Pengangkutan melalui darat, air dan udara;
- Perkhidmatan dan pengusahaan pelabuhan, limbungan dan lapangan terbang, termasuk pemunggahan dan pemindahan kargo, pemaliman, penyimpanan atau pemukalan komoditi.

e. Perdagangan Pengedaran:

- Penggudangan dan Logistik;
- Perkhidmatan/ Penjualan/ Penghantaran Makanan dan Minuman; dan
- Peruncitan/ Pengedaran/ Pemborongan:
 - Kompleks beli-belah; pasar raya/ pasar raya besar; *departmental store* (hanya makanan, keperluan harian, keperluan bayi dan kanak-kanak, perubatan, peralatan elektrik dan berkaitan perlindungan terhadap Covid-19);
 - Farmasi/ penjagaan diri; kedai serbaneka/ *mini mart*; dobi (termasuk layan diri); restoren; kedai cermin mata; kedai telefon; kedai perabot; kedai emas; kedai elektrik dan elektronik; kedai buku & alat tulis; kedai *hardware*; makanan haiwan; bengkel kenderaan, penyelenggaraan dan alat ganti; pusat pengedaran dan jualan kereta; stesen minyak & kedai peralatan sembahyang dan pengebumian.

f. Perladangan dan Komoditi:

- Pertanian, perikanan dan penternakan serta rantaianya; dan
- Perladangan dan komoditi serta rantaianya.

g. Lain-Lain

- Apa-apa perkhidmatan, kerja, industri dan perniagaan sebagaimana yang ditentukan oleh Menteri Kesihatan selepas berunding dengan Pihak Berkuasa yang mengawal selia perkhidmatan, kerja, industri dan perniagaan itu.

8. Senarai Aktiviti Yang Tidak Dibenarkan (*Negative List*)

Tindakan	Penerangan Ringkas
Aktiviti Hiburan	<ul style="list-style-type: none"> • Aktiviti di kelab malam atau pub. • Aktiviti di taman tema, <i>indoor playground</i>, panggung wayang, pusat arked, pusat karaoke keluarga. • Aktiviti konsert atau acara langsung dengan kehadiran penonton.
Seminar/ Bengkel/ Persidangan/ Pameran/ Perhimpunan	<ul style="list-style-type: none"> • Semua seminar / bengkel / kursus / latihan / persidangan / ceramah / pameran / perhimpunan dan aktiviti berkaitan dengan <i>Meeting, Incentives, Conventions & Exhibitions</i> (MICE).
Aktiviti ekonomi	<ul style="list-style-type: none"> • Operasi bazar larut malam, <i>car boot sale</i>. • Operasi kedai gunting rambut, salon kecantikan, spa & refleksologi. • Kelas muzik, kelas tarian, kelas seni, kelas bahasa dan sebagainya.
Penganjuran Majlis Keramaian	<ul style="list-style-type: none"> • Majlis Rasmi & Tidak Rasmi Kerajaan dan Swasta, Majlis Sosial seperti kenduri-kendara, majlis perkahwinan dan petunangan, resepsi, majlis aqiqah, doa selamat, tahlil, sambutan ulang tahun, sambutan hari kelahiran, <i>reunion, retreat, family gathering</i> dan lain-lain majlis sosial. • Penyertaan pegawai kerajaan dan swasta bagi Majlis Rasmi dan Tidak Rasmi dari Kawasan PKP, PKPB dan PKPD ke luar kawasan.

<p>Aktiviti Sukan dan Rekreasi</p>	<ul style="list-style-type: none"> • Aktiviti berkelah, aktiviti kolam renang, aktiviti bersentuhan fizikal/sukan tempur, aktiviti perlawanan bagi sukan berpasukan dan aktiviti penganjuran kejohanan/pertandingan. • Aktiviti sukan dan rekreasi yang melibatkan penglibatan yang ramai dan sukar dikawal penjarakan fizikal. • Acara dan pertandingan sukan dengan kehadiran penonton, dan acara dan pertandingan sukan yang melibatkan peserta dari luar negara.
<p>Aktiviti Pelancongan</p>	<ul style="list-style-type: none"> • Aktiviti pelancongan ke luar kawasan PKPB dan di kawasan PKPD. • Aktiviti pelancongan ke luar negeri oleh warganegara dan aktiviti pelancongan dalam negeri yang melibatkan pelancong asing memasuki Malaysia kecuali pelancong asing daripada negara sebagaimana yang dinyatakan oleh Menteri.
<p>Lain-lain yang Tidak Dibenarkan</p>	<ul style="list-style-type: none"> • Apa-apa aktiviti yang boleh menyebabkan ramai orang hadir di suatu tempat sehingga menyukarkan penjarakan fizikal dan pematuhan kepada arahan Ketua Pengarah Kesihatan. • Lain-lain perkara yang diputuskan oleh Kerajaan dari semasa ke semasa.

YAB DATO' SRI HAJI WAN ROSDY WAN ISMAIL

Menteri Besar Pahang

22 Januari 2021